

# 六壬辨疑

同治己巳年仲春月牧源堂梓

## 序

数学有六壬，盖即易之支流焉。谓与遁甲、太乙出黄帝、元女者，固谬，或又谓著于汉代，然予考《汉书·艺文志》，惟载泰一、阴阳、风鼓、六甲、风后、孤虚诸卷，无壬籍，至唐《五行志》始载有《六壬杂占》九卷，其六典曰：“六壬局以枫木枣心为地。”自是，宋志载有三十家，则壬学似著于唐宋。然又尝考之《国语》，有伶州鸠对七律，《越绝书》有公孙圣壬午时加南方之言，《吴越春秋》有伍员范蠡日出、日昃、鸡鸣、禺中四课，其加乘龙蛇刑德，一如今世，是其来甚远，固非三代下方伎所能造，而为兵家所藉重也，谅矣。盖尝窃维世大务莫如兵，兵所重莫如借箸运筹。近世士大夫伏处贴括，是唔通显，疲于临池，梁翰击钵搜工者，则贤者也。不肖者，湛耽于奕博，而营营私橐心性，嗤为宋学。讖纬、星历，又援宋陋汉。夫古者大司徒六艺立教，而数居一。河之图、洛之书，数之祖也。图主常，故其数极于十，以为体。书主变，故其数极于九以肇用，由是数学则之，有天地盘之用，有三传四课之发动，有三奇六仪、八门、九星之加临，有八将、三基、五福、十精之经纬。盖上古所以成变化，行鬼神，而利物。前民用者，莫大于是。今皆懵为何怪，以跳梁小丑，牵天下之兵，失机昧会，致六七年不克，殒殒也，乃叹埽数专言理之失于偏，而吾儒经术，功用之狭，未必不由于是。吾友张君次功，楚北名孝廉也，尝从袁金溪先生游，九经皆有心授，尤拳拳于宋五子书。尝言：“读西铭万过所注，西铭实能自出手眼。”顾精于六壬之学，当江岷樵抚军臬楚时，曾以重礼聘至幕，倚为左右手。后晋迁庐州时，固邀偕去，次功坚以亲老辞客葛。予始于郡城晤次功，一见倾盖如故。葛杪又移居蜗陬，数从游，因以壬学叩，则曰：“昔人有言，精数不若明理，惜夫一部四子书，吾辈第持为弋荣具。某身经乱离，然后知圣言奇中，有不待蓍蔡而灵于鬼神、捷于卜占者。吾道诚自足也，何数为？”然则次功岂方术流哉？其学甚合宋之纯、汉之博，欲一资当世者，惜自岷樵戎节后，无以礼罗者。及予再三恳，乃出《六壬辨疑》、《毕法案录》二书，则手录其平日课占、案验也。当武昌再陷，次功以壬课先知，遂跳身走袁州，卖卜廛市，及贼至其乡，命心腹卒持重金访聘，而鸿飞冥冥，矰弋安施，衔芦举色，触机冷然。当是时，其乡登甲乙科者多被摧辱奴隶，唯次功免。遂谓其不赴庐州，亦必有先知之者。然次功固非吝于忠者也。盖其时尊人已八十余矣，且其避迹于四方，频频致书嘱家人毋蓄发，毋书顺以负。

我朝二百年，养士之恩，然则是书，盖次功之粗焉者，其精盖有不唯直探徐道符《心镜》、蒋日新《开云观月歌》、凌福之《毕法赋》者矣，易曰：“知进退存亡而不失其正。”又曰：“极数知来谓占。”次功殆由壬学而窥大易之旨乎？善夫！宁人顾先生曰：“占事，知来之术，惟正人可以学。”获是书者，尚其志焉。时咸丰七年丁巳中秋日，安阳緘三弟吴敦品沐手识于屏蕉书屋之东轩。

	成	会	天	天	月	风	风	血	信	天	地	天	死	生	死	月	天
	神	神	财	马	厌	伯	煞	支	神	诏	医	医	神	气	气	德	德

正	巳	未	辰	午	戌	申	寅	丑	酉	亥	戌	辰	巳	子	午	丙	丁
二	申	戌	午	申	酉	未	丑	寅	戌	子	亥	巳	午	丑	未	甲	坤
三	亥	寅	申	戌	申	午	子	卯	亥	丑	子	午	未	寅	申	壬	壬
四	寅	亥	戌	子	未	巳	亥	辰	子	寅	丑	未	申	卯	酉	庚	辛
五	巳	酉	子	寅	午	辰	戌	巳	丑	卯	寅	申	酉	辰	戌	丙	乾
六	申	子	寅	辰	巳	卯	酉	午	寅	辰	卯	酉	戌	巳	亥	甲	甲
七	亥	丑	辰	午	辰	寅	申	未	卯	巳	辰	戌	亥	午	子	壬	癸
八	寅	午	午	申	卯	丑	未	申	辰	午	巳	亥	子	未	丑	庚	艮
九	巳	巳	申	戌	寅	子	午	酉	巳	未	午	子	丑	申	寅	丙	丙
十	申	卯	戌	子	丑	亥	巳	戌	午	申	未	丑	寅	酉	卯	甲	乙
十一	亥	申	子	寅	子	戌	辰	亥	未	酉	申	寅	卯	戌	辰	壬	巽
十二	寅	辰	寅	辰	亥	酉	卯	子	申	戌	酉	卯	辰	亥	巳	庚	庚

### 自序

夫易，为卜筮作也。圣人开物成务，利用前民，其忧大，其旨远，而其取义也精，非肤学者所敢窥其阃奥。且筮短龟长，其用有小大之别，避处一庐，寻常细故，何敢妄读圣经？惟六行一道，托干支以阐人事，先贤之持赠，与后学之推求，良甚便也。德幸生盛世，不能穷经致用以仰副作人之至意，区区留心小道，愧滋甚矣。夫小道亦非易，易虽推衍数十年，而幼学槩药，长食砚田，不能专攻其业，即袜线之长，未敢自擅。所幸读易之时，偶有一知半解，袭其支流以例之壬课，而辨其疑。间尝试之，幸而获中，不过蠡测之私云尔。今承观察张仲远老夫子不弃芻蕘，屡赐清问，并属录稿就正。德不敢违，用是缮写敬呈，其僭妄之罪，尚祈海内诸君子恕之。

咸丰元年仲夏既望日，寿昌次功氏张官德记。

### 六壬辨疑

武昌张官德次功著 男利溥虚谷 惠溥苇舟 编次

监利彭西林仙园订讹 受业石谐声心律全校

目录

一卷

凡例 计十六条

总论

心易说

数从乎理说

刻应说

论行年

占例

条辨 计二十六条

九式起例歌 本《大本》

课目总歌 本《大全》

贵人起例图诀

德煞八种 本《大本》

神煞纪要

节录郭御青先生序

元首 重审 知一 涉害 遥克 昴星 别责 八专 伏吟 返吟

### 三卷

三光 三阳 三奇 六仪 时泰 龙德 官爵 富贵 轩盖 铸印 斫轮 引从 亨通  
繁昌 荣华 德庆 合欢 和美

### 四卷

闭口 游子 三交 乱首 赘婿 冲破 淫泆 芜淫 解离 孤寡 无禄 绝嗣 迨福  
侵害 刑伤 三烦 天祸 天狱 天寇 天网 魄化 三阴 龙战 死奇 灾厄 殃咎

### 五卷

九丑 鬼墓 励德 盘珠（附周遍） 全局 元胎 连珠（统连茹、进间、退间）

### 六纯

## 六壬辨疑 卷一

### 凡例

一、占事之法，占验之门，前辈皆分类指明，先宜究心，兹取《大全》六十四课，逐条缀以占验，随事记载，不便再分胎产、功名等类。

二、课名多有兼取，须以课象最著及所占最切者为主，其余只可参看。

三、卦主既得，大象判然，易所谓“观其彖”，思过半矣。再看类神上下阴阳，此占事之主，尤宜细玩。若卦主爻主不明，则参形杂势，谁适之从，此壬课第一义也。

四、卦象爻象，与所占最紧切者，皆入正议。

五、课象所蕴，可以参观，或非正占，可以兼断，皆入参议。

六、案验详述事后情形，以证课体，有前断已准者，有前断未准者，皆入案验。以见课无不准，但见有不逮耳。

七、课外余论，或比例，载之附议，其援引成语，则归附录。

八、占必焚香，其祷祝时，目中如见先师，方能收敛心神，以赞于神明。尝遇友朋谈笑，偶尔强占，不得已而漫应，万无一准。

九、百人应试，中者难逢一二，好课必少，而来占者，无不欲好，言不吉，则生嫌，强言吉，则近谀，且不吉者，不得因卜而罢考，必中者，亦必揭晓而后明，何卜之有？夫公则生明，龟筮无私，所以前知。德每自占不准，非神不告也，私意在胸，先为之曲解耳。

十、易为君子谋，一切邪谋，万不可占。即正人来占，而事关幽暗，及有伤物命，亦不可明说。或事非紧要，不可屡读。

十一、是编起例，悉本《大全》、《指南》，所辑要语，不敢妄参臆断，惟前辈言各有当，未便合参，兹特于取用处合集众说，以释其疑耳。

十二、六十四课，前释名义，后列占象，尊录《大全》原本，不过删繁就简，以便览记耳，其辞义未敢杜撰。

十三、课名体格，犹船也。时令神煞，犹风也。船有美恶，仍看风之顺逆为利钝，是编谨择其切用者，为神煞纪要，载之首卷。

十四、六十四课，只取大象，以纲维诸课之体格，不必牵合卦辞，以成武断。

十五、来占者必注其官篆姓名，以为案验张本，或素不相识，只注其姓氏，课体有干阴私，并不注姓氏，以存忠厚之道。

十六、大凶之象，有命自天，占时徒为扼腕。若进退可否，性情刚柔，有人力可回者，则间效愚忠，聊寓劝惩，亦工执艺事以谏之意。但文字鄙俚，不免贻笑方家耳。

查看完整版

付费下载



---

## 【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





## 【风水】风水命理资料合集\_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



## 【中医】中华传统医学资料大全\_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



## 【道术】道家法术\茅山术\符咒术\气术\_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



## 【武术】传统武术与现代搏击术\_6200 册

少林、武当、太极拳、形意拳、八极拳、咏春拳、气功、散打、格斗、拳击、...



## **【集藏】经史子集库\_13300 卷**

【经史子集】楚辞、汉赋、诗集、词集、宝卷、正史、编年、别史、纪事本末、地理志...



## **【国画】传世名画 \_ 6100 卷**

唐、金、辽、宋、元、明、清 800 多位画家近 6000 多幅传世...



## **【县志】方志\地方县志\乡志\地理志\_8100 册**

府志、区志、乡志、地理志..... 此合集为全国范围地方县志\府志古籍影印电子版，...



## **【国学】中华古籍库—32 万册古籍书**

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

**【更多】** >> <https://www.fozhu920.com/list/>